

**სსიპ ივანე ჯავახიშვილის სახელობის თბილისის სახელმწიფო უნივერსიტეტის
სატენდერო კომისიის სხდომის ოქმი #1**

ქ.თბილისი

2020 წელი

სატენდერო კომისიის თავმჯდომარე: ლაშა საღინაძე-ადმინისტრაციის ხელმძღვანელი
სატენდერო კომისიის თავმჯდომარის მოადგილე: ირაკლი საღარეიშვილი - საფინანსო დეპარტამენტის უფროსი
კომისიის წევრები:

ნათელა ლაცაბიძე - პერსონალის მართვის დეპარტამენტის უფროსი

არჩილ კუკულავა - იურიდიული დეპარტამენტის უფროსი

გიორგი ტალახაძე - მატერიალური რესურსების მართვის დეპარტამენტის უფროსი

ნატო ჩუბინიძე - საინფორმაციო ტექნოლოგიების დეპარტამენტის უფროსი

სატენდერო კომისიის აპარატის წევრი: ა.მერკვილიშვილი.

დღის წესრიგი: ეკონომიკური შემოსავლების დაფინანსების ფარგლებში თსუ-ს მედიცინის ფაკულტეტის კლინიკური უნარ-ჩვევების (სიმულაციის) ცენტრისათვის სამედიცინო ავეჯის შესყიდვის მიზნით ელექტრონული ტენდერის გამოსაცხადებლად განცხადებისა და სატენდერო დოკუმენტაციის/პირობების პროექტის განხილვა-დამტკიცება.

სატენდერო კომისიამ განიხილა 22536/32, #1291/32, 1733/32 და 8687/10 კორესპონდენციების საფუძველზე ელექტრონული ტენდერის განსახორციელებლად შედგენილი სატენდერო დოკუმენტაციის/პირობებისა და სატენდერო განცხადების პროექტი.

წარმოდგენილ დოკუმენტაციაზე კომისიის წევრებს შორის გაიმართა მსჯელობა და გამოითქვა მოსაზრებები. მოისმინეს ინფორმაცია ბაზრის კვლევის თაობაზე. აღინიშნა, რომ შემოთავაზება წარმოადგინა ოთხმა კომპანიამ. ბაზრის კვლევის შედეგებიდან გამომდინარე, შესყიდვის განხორციელების მომთხოვნთან ანალიზის შედეგად, დადგინდა შესყიდვის სავარაუდო ღირებულება 13741.00 ლარი.

განისაზღვრა პრეტენდენტის მიერ ფასწარმოქმნის ადეკვატურობის (ასეთის არსებობის შემთხვევაში) დასაბუთების პირობები: „იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტი ვალდებულია დაასაბუთოს ფასწარმოქმნის ადეკვატურობა საშემფასებლო დასკვნით (რომელიც ხელმოწერილია აკრედიტირებული შემფასებელთა სერტიფიკაციის ორგანოს სერტიფიცირებული შემფასებლის მიერ. დასკვნასთან ერთად წარმოდგენილი უნდა იქნას შესაბამისი სერტიფიკატი), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ასევე, შესაძლებელია სახელმწიფოს მიერ აღიარებული ორგანიზაციის მიერ გაცემული საექსპერტო დასკვნის წარმოდგენა. დასკვნას თან უნდა ახლდეს შესაბამისი საქმიანობის განხორციელების უფლების დამადასტურებელი დოკუმენტი.

ფასწარმოქმნის ადეკვატურობის დამადასტურებელი დოკუმენტ(ებ)ით ხელშეკრულებით ნაკისრი ვალდებულებების შესრულების შესაძლებლობა უნდა დასტურდებოდეს როგორც პრეტენდენტის მიერ დაფიქსირებული წინადადების ფასთან, ასევე ერთეულებთან მიმართებით. პრეტენდენტის მიერ წარმოდგენილ დასკვნას თან უნდა ახლდეს ბაზრის კვლევისას გამოყენებული დოკუმენტაცია (მაგ., ანგარიშფაქტურა/ინვოისი, ხელშეკრულება და სხვა). შენიშვნა: იმ შემთხვევაში თუ, პრეტენდენტის მიერ არ იქნა წარმოდგენილი ან წარმოდგენილი დასაბუთება შემსყიდველის მიერ არ ჩაითვლება დამაკმაყოფილებლად, მოხდება პრეტენდენტის დისკვალიფიკაცია”.

განისაზღვრა თუ რა ინფორმაცია მოითხოვება შესყიდვის ობიექტის მოდელთან, წარმოშობის წყაროსთან ან/და მწარმოებელთან დაკავშირებით, ასევე შესყიდვის ობიექტის საგარანტიო პირობები.

დაადგინეს საქონლის ხარისხის შესაბამისობის დამადასტურებელის დოკუმენტები: 1. საქონლის ხარისხის დამადასტურებელი ISO ან/და CE სერტიფიკატები, ნათარგმნი ქართულ ენაზე და ნოტარიულად

დამოწმებული. 2. ბროშურები/კატალოგები, რომლითაც დადასტურდება შემოთავაზებული საქონლის მახასიათებლების მოდელთან თავსებადობა, ნათარგმნი ქართულ ენაზე.

შესყიდვის ობიექტის მოწოდების ვადად განისაზღვრა 30 კალენდარული დღე. დადგინდა ანგარიშწორების პირობები.

სატენდერო კომისიის მიერ ერთხმად იქნა დამტკიცებული სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანებით დამტკიცებული „ელექტრონული ტენდერის ჩატარების წესის“ საფუძველზე მომზადებული სატენდერო განცხადება, პირობები და დანართები. განისაზღვრა შესყიდვის ობიექტის ერთგვაროვნების კოდი: CPV 33100000 და შესყიდვის ტიპი.

კომისიამ დაადგინა:

1. დამტკიცდეს ელექტრონული ტენდერის განცხადებისა და სატენდერო დოკუმენტაციის/პირობების პროექტი (იხ.დანართები).

2. დამტკიცების შემდგომ სატენდერო კომისიის აპარატმა უზრუნველყოს ელექტრონული ტენდერის ჩატარების შესახებ განცხადებისა და სატენდერო დოკუმენტაციის/ პირობების გამოქვეყნება სახელმწიფო შესყიდვების ერთიან ელექტრონულ სისტემაში <https://tenders.procurement.gov.ge>.

ლაშა სალინაძე

ადმინისტრაციის ხელმძღვანელი

ივანე ჯავახიშვილის სახელობის თბილისის სახელმწიფო უნივერსიტეტი

ირაკლი საღარეიშვილი

დეპარტამენტის უფროსი
საფინანსო დეპარტამენტი

არჩილი კუკულავა

დეპარტამენტის უფროსი
იურიდიული დეპარტამენტი

ნათელა ლაცაბიძე

დეპარტამენტის უფროსი
პერსონალის მართვის დეპარტამენტი


გიორგი ტალახაძე

დეპარტამენტის უფროსი
მატერიალური რესურსების მართვის დეპარტამენტი

ნატო ჩუბინიძე

დეპარტამენტის უფროსი
საინფორმაციო ტექნოლოგიების დეპარტამენტი

ანეტა მერკვილიშვილი



განყოფილების უფროსის მოვალეობის შემსრულებელი
შესყიდვების განყოფილება